

Inatsisartut suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara:

**Naalackersuisunut apeqqut:**

- 1. Islandimiit Niuernikkut ineriartortitsineq Naalackersuisup siulittaasuata ukiortaami oqaas-eqaataani ilanngunneqartoq qanoq sunillu tunngasunik imaqarpa?**
- 2. Island-miit Tasiilamut niuernikkut imaatigut assartuussineq eqqarsaatigalugu Naalackersu-isut qanimut tassunga tunngasunik pilersaarutitik aaqqissuussilersaanngillat ?**
- 3. Nioqqutissanik niueqatigiinnikkut periarfissat Island – Tasiilaq annertusarneqarnissaanik akikinnerusumillu nioqqutissat akiannik appartitsinnaaneq Naalackersuisut misissuiffigi-simanerpaat?**
  - Taamaanngippat misissuinissamik Naalackersuisut soqutiginnillutik aallartikkusun-ngillat?**
  - Taamaappat pilersaarutit qanoq ingerlappat? Qaqugu aallartinneqarnissaat naatsorsuu-tigineqarpat?**

(Inatsisartunut Ilaasortaq, Laura Táunâjik, Siumut)

**Tunngavilersuut:**

Ukioq 2017 naajartornerani tusagassiutitigut annertuumik saqqumilaartinneqarpoq illoqarfiit aningaasarsiorfiunnginnerpaat Ittoqqortoormiit, Tasiilaq, Qaanaarlu aningaasanik kaaviiartitakin-nerpaasimapput. Taakkunangalu takussutissat ilagaat nioqqutissatigut akit qanoq qaffasitsiginerat. Niuertarfinni nioqqutissat kitaaniit Brugsen-qarfiusuni akisunerungaatsiarput. Takuneqarsinnaavoq imminnut ataqatigiinngitsut aningaasatigut isertitakinnerpaaffiusuni niuertarfinni nioqqutissat akisunerungaatsiarput suliffissaqarniarnikkut aningaasarsiornikkullu annikinnerpaamik isertitaqarfiusut.

Soqutiginarpoq paasissallugu nuna sanilerisarpur Island niuernikkut qanoq siuarsaanissamut tapertaatigisinnaanersoq. Assersuutigalugu ukiut 20 matuma siornatigutulli imartarput nunatta kangia eqqarsaatigalugu sikussaarnikuuvoq. Sikusarnera annikillingaatsiarnikuuvoq, tamanna periarfissaagaluarpoq umiarsuit pajuttaatit piffissami sivisunerusumi pajuttuillutik angalasalernis-saannik.

Nunarput isorartuvoq, niuernikkullu akigitat eqqarsaatigalugit nikingassut annertuumik ersarittarpoq. Pingaartumik kitaaniit tunumut pilluni akit qaffasissusiat ilaatigut tupinnarsinnaasarmat. Tupinnangitsumik innutaasut pissaaleqereersut ilaatigut inuttut sakkortuumik ajornartorsiute-qartarput, inuussutissarsiornikkut angummanniapiloorneq pequtaasinnaasarluni. Taamaattumik sakkortuumik Naalackersuisut kaammattornarput periarfissat nioqqutissatigut akikinnerusut periarfissaqarnerusulli eqqarsaatigalugit siumut isigisumik aaqqissuusseqqullugit.

Apeqqueteqaatimma ullut suliffiusut qulit iluanni akineqareersimanissaat kissaatigaara.